

## **PRESS NOTE**

**Subj: Housing for All (PMAY) Urban –Beneficiary Led Construction(BLC) dinhmun.**

PMAY – Housing for All (Urban) Mission hnuai mirethei insak tanpuina, Beneficiary led-construction (BLC) scheme kalpui mek ah Mizoram a khawpui 23 tan BLC DPR siam vek tawh a ni a. Heng DPR-a beneficiaries 33677-te chu MIS Portal-a thunfel vek tawh an ni a, Central Ministry atanga sum (fund) lo thlen dan a zirin insak tanpuina pawh a tahtawlin pek chhuah mek zel a ni.

Hripui leng avanga State Sawrkar in sum lamah harsatna lian tak a tawh mek avangin, HFA BLC scheme pawh nasa takin a nghawng ve mek a. Ministry lam atanga sum pek tura tih tawh pawh State Sawrkar sum harsatna avangin chhungkaw engemaw zat pek mai theih rihloh in an awm a. Heng harsatna kan tawh mek hi State Finance Department lamah te pawh thlen tawh ni in, a rang thei ang ber a sum pekchhuah a nih theih nan Finance Department lam a thuneitute pawh in chak takin hma an la mek a, Insak tanpuina hi a dawngtu tur te hnenah sem chhonzawm thuai theih beisei a ni.

PMAY-Housing for All (Urban) Mission hnuai insak tanpuina sem mek hi chhungkaw tam takin chhawr tangkai mekin, in leh lo neilo tam takin, In leh lo din nan a hmangin scheme hi tangkai leh tha takin an chhawr mek a. Chutih rual erawh chuan, mi thenkhat 1<sup>st</sup> installment pek tawh hmang diklo, insak bul tan lo tlem a zawng an awm ve bawk a, chung mite hnenah chuan an intiamkamna ang ngei a scheme sum dik tak a hmang tura hriattirna lehkha te pe in, hmala tura hriattir an ni. Hma lak tum lo leh insak tum lo te chu an 1<sup>st</sup> installment lo dawn tawh pawh an intiamna ang ngei in Sawrkar ah pe let leh tura thinlet mek an ni a, an rawn pek let ngei pawh kan beisei. UD&PA Department hnuai insak tanpuina dawng mek leh dawng tur reng rengte chuan dik tak leh tha taka he insak tanpuina sum hi hmang turin kan in ngen a, in leh lo neilo ten in leh lo din nan a he tanpuina sum hi dik tak a hmang ngei turin kan in hriattir nawn leh a ni.

**Issued in Public Interest by UD&PA Department.**